

Te Heheuraa Api

E ITE IA OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALEZIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 6

-- TIUNU 1952 --

MAT. 39.

Te Orometua Moni Ore

Te maere noa nei te mau taata no te mau haapaoraa êê i te parau e, aita te mau Orometua popaa o te haapaoraa Momoni, e horoa nei i te moni na matou, no to matou Toro'a Orometua Faaue na te mau Matainaa, no te porohaereraa'tu i te Evanelia i te mau taata, aore hoi te Ekalesia e horoa nei i te moni na ratou, o tei to'no hia mai mai te fenua roa mai, o tei faarue i te utuafare i te mau tao'a atoa na'na e ua haere mai no te ohipa a te Fatu, eaha'tu ia matou nei.

Te haamau'a nei matou i to matou taime no te ohipa a te Fatu, no te tauturn raa i te patu raa i To'na Basileia i nia iho i te fenua nei, e ia faaîhia te ao atoa nei mate taime ore.

Eaha? Te mana'o nei anei tatou e, ia aufau hia to tatou taime no to tatou raveraa i te ohipa a te Atua i te ao nei, e faufaa faahou anei ia ta tatou i te Atua ra, ia tae i te

HISTORICAL OFFICE LIBRARY
The Church of Jesus Christ of Latter-day Saints

mahaua e fâ'tu ai tatou i mua i te aro o te Atua?

Te mana'o nei au e, aita roa ïa. E riro paha Oia i te parau mai e, haere e atu outou aore au i ite ia outou, no te mea e ere mau ia tatou i te rave ohipa na te Atua, na te taata ra.

I to Iesu iho mau mahana afaatia'i oia i Ta'na Ekalesia i nia iho i te ao nei, ua maiti Oia hoê ahuru mapiti taata ei rave ohipa na'na e ua mairi i te io'a Aposetolo e ua tonono atu ia ratou, ma te taimere ore.

A feruri tatou i nia i te mana'o no Petero, ta'na i parau atu ia Iesu i te na ô raa'tu e. Inaha matou ua faarue i te mau mea atoa e ua pee ïa Oe, eaha tamatou nei utua?

Ua parau atura Iesu oia mau Tau e parau atu ia outou nei, ia tae i te faahou raa ia parahi te Tamaiti a te taata i nia iho i To'na Terono hanahana e parahi atoa outou o te pee mai Ia'u nei i nia iho i te terono hoê ahuru e mapiti i te haava raa i te mau opu o Iselaera tino ahuru mapiti ra e te taata atoa no tou nei Io'a i faarue ai i te fare e te mau ta'eae, e te mau tuahine, e te mau metua tane, e te metua vahine, e te vahine iho, e te mau tamarii, e te fenua, e hanere atu ia ta'na e noaa mai no te Ora Mure Ore. Mataio 19:27-29.

Eaha te tumu no teie uiraa ta Petero i ui atu ia Iesu Maori ra no to Petero hinaaro ia haapapu i taua vahira i te huru no ta ratou ohiparaa e taimereanei to ratou e aore ra aita, no reira ua faaite papu atura Iesu ia'na e ere i te mea tia ia aufau i ta outou taimere i teie nei ao, e tia'i ra, ia tae i

te faahou
atoa i te
nia iho i
tou taimere
Mure Ore
mapiti.

F

O

itai i to'
oia i te t
oia i te u
moe hor
purara e

I

oia, aore

U

papu raa
oia te ma
tero raa

U

tuu atura
tizo hia

Varua M

peu ra, i

mate pa

vau i to'

U

te faahou-raa-hia, o teie nei ao, ia faahoi hia te mau mea atoa i to ratou huru mau e ia parahi te tamaiti a te taata i nia iho i to'na tarono hanahana, ei reira e horoa hia'i to ratou taime, no ta ratou ohipa raa i te ao nei, oia hoi te Ora Mure Ore, e te mana haava i na opu o Iseraela tino ahuru e mapiti.

Faroo faahou tatou i te reo no Iesu i te na ō raa e.

Ovan te tia i mamoe maitai e horoa te tia i mamoe maitai i to'na iho ora no te mamoe. O tei tarahu hia ra, e ere oia i te tia i mamoe ra, e ere hoi i ta'na iho te mamoe ia ite oia i te uri taehae i te haereraa maira, faarue ihora i te mamoe horo ê atura motumotu ihora te tahi pae i te uri taehae purara e atura te nănă.

I horo ai tei tarahuhia ra, no te mea e taata tarahuhia oia, aore oia e haapao i te mamoe. Ioane 10:11-13.

Ua ravai anei teie na irava i to tatou mana'o ei haapapu raa e, e ere mau ihoa te mea tia ia hoo hia te Evanelia oia te mana o te Atua i te moni? I te taime atono hia'i Petero raua o Ioane i Samaria.

Ua rave raua i te hoê ohipa faahiahia roa oia hoi, ua tuu atura i to raua pue rima i nia iho i te mau taata i Babetizo hia no te horoa raa'tu i te Varua Maitai, noa'a ihora te Varua Maitai ia ratou e no te faahiahia rahi o Simona i taua peu ra, ua horoa atura oia i te moni ia Petero raua o Ioane mate parau atu e, horoa mai na i te na na mana no'u ia tuu vau i to'u rima i ni'a i te taata ia noaa te Varua Maitai.

Ua parau atura Petero ia'na, ia reva atoa atu te na

moni e ooe atoa i te pohe ooe i mana'o e e hoona ta te Atua i te moni. ohipa 8:19-20-24.

Ua hape rōa to Simona mana'o i taua vahi ra, e ua i te oia i to'na hape; e ua tatarahapa oia, no reira a faaitoito outou.

Te ite nei au e, e mau taata maitatai ihoa outou e te maru e te aau here, area ra, ua haavare hia outou i ore ai i tia i outou ia ite i te parau mau e te Evanelia Mure Ore a te Atua.

Tu Keha â Menemene.



Te Tere Haati o te Peresideni Misioni

Na te mau taeae, e te mau tuahine, e te mau tamarii, e te mau hoa atoa.

Ia ora na pai outou i te farereiraa, na roto i teie Heheuraa apî, e na roto atoa i te aroha o te Faaora ra o Iesu Mesia, Amene.

Ua tupu roa to maua mauruuru i to maua tae raa mai i teie mau fenua moana nei, ta te Atua i faataa ei parahi-raa no outou. E mau fenua nehenehe roa to outou, e ua i te atoa vau ê, ua haamaitai mau hia outou e te Atua. E no reira, te ani haehaa roa'tu nei au ia outou, ia tamau noa outou i te haapao raa i te mau ture, e te mau faaueraa atoa a te Atua, o ta'u ia pure, ia vai noa mai taua mau haamaitairaa ra i nia iho ia outou na, Amene.

E haamata maua i to maua tere raa na teie mau fenua i raro nei, oia hoi, Tubuai, Porapora, Raiatea, Huahine, e te tahi atu â mau fenua, mai te mea e taime. Na nia iho i te pahi ra o Paraita.

Ua tupu roa to'u hinaaro i te farerei atu ia outou, e ia faaite atu i to'u mau mana'o, e te mau mana'o o te mau taata faatere rahi o Ekalesia. E te huru no te mau ohipa a te Atua i rotopû ia outou na.

I teie mau mahana ua iti roa te mau Orometua popaa, ua maitihia te tahi mau Orometua maohi.

Ia hoi mai na teie mau fenua i raro nei, ei reira ia, e haamata a'i, i to'na tere haati na te mau fenua Tuamotu.

To outou na taeae i te Faaroo nei.

Otelo P. Pearce e to'na hoa o Vilate B. Pearce

Te Tohuraa A Birikama Youne

Mai te mea e tia ia outou ia feruri papu i te parau i faaitehia i muri nei ma te aau parau-tia, ei reira ia outoa e ite ai e, ua tupu te parau tohu a Birikama Youne i te taa-ê-raa atu te haapaoraa Sanito i te Ekalesia tumu mai tei faaitehia e ana ra, ua tupu te taatoa raa o ta'na i tohu no te haapaoraa a Sidine Ritikoni, e Viliamu Semita, e Iasona Birigi, e Zenosa Gurule.

Mai ana'e ihora teie mau taata e hope roa a'e i raro a'e i teie nei tohuraa mo'a tei faauruhia mai e te Atua i ta'na ra peropheta i te faaiteraa ratou atoa ra i ta'na iho Ekalesia e ta'na iho Ekalesia e aore a'era i maoro re'a ua tupu ihora taua mau Ekalesia ra mai tei faaite-papu-hia mai e te tavini, o Birikama Youne, faauru-mau-hia e te Atua ra. Teie taua tohuraa ra: "E mana'o to te hoê e, e mana to'nai rotopu i teie nei nunaa i te aratai-ê-raa atu i te hoê pupu taata ra, a ite oia a tamata, ei reira oia e ite ai e, e hau a'e te mana o te mau Aposetolo i te aroraa'tu ia ratou ma te manuia rahi na te ao taatoa nei."

Teie atoa te tahi: ta Birikama Youne i tohu: "Ia opua te hoê i te aratai-ê-atu i te hoê pupu taata ia pee atu ratou ia'na a tamata oia, ei reira e ite ai e, e aore roa'tu oia e

manuia
faatere
sia Sani
hoê Apo
pereside
pereside
e mai te
parau, r
Haapii
o ratou
papai p
pereside
mati faa
tei para
ô maira
mai te r

Ia
tatou Ia
roa to te
teie ohip

E
tatarara
Sanito i
ratou i t

E
haere m
mahana
i te haap

manuia''. Te na ô maira te Atua e, tei te mana i hau a'e te faatere (B. F. S. 104.11). Mai te au i te mau amaa Ekalesia Sanito atoa i teie nei mau paeau fenua, ua faatia ia te hoê Aposetolo Sanito ra o Tamati to'na i'oa ra i na toroa peresideni e pae ra ei faatere i te amaa; ia moe noa'tu ia te peresideni Peresibutero ra, na te peresideni Tahu'a e mono, e mai te reira hoi te huru e raro roa tae noa'tu i te papai parau, mai te hoi ore noa'tu i te mau Peresibutero e te mau Haapii e te mau Diakono e vai ra i roto i te amaa, aore hoi o ratou e mana i te rave i te toroa peresideni ia vai mai â te papai parau. E no reira ra riro atura te toroa haehaa iho peresideni i nia a'e i te toroa teitei. O te huru ia o ta Tamati faatiaraa i ta ratou ra mau amaa, oia te Aposetolo o tei parau ra e e mea faauruhia oia e te Atua, e inaha, te na ô maira te parau a te Atua e e ore roa e tia ia faatia te amaa mai te reira te huru.

Ia na ô hoi tatou e ua hape te Atua ra, ua faaino ia tatou Ia'na. E tia maoti ia ia tatou ia parau e, e hape rahi roa to te Aposetolo ra o Tamati i roto i ta'na ra faatiaraa i teie ohipa.

E mea oaoa rahi na matou i te tamau mai i roto i te tatararaa parau i faaitehia i muri nei, e te ite rii nei te mau Sanito i te hape o to ratou ra faatereraa e te tamata nei ratou i te faatitiaifaro i to ratou ra mau hape.

Eiaha tatou e faahapa puai ia ratou no te mea e, te haere mai nei ratou i roto i te maramarama i teie mau mahana. E ere anei te mea maoro ta ratou faaearaa i rapae i te haapaoraa i taua ture ra, oia hoi, na te toroa iti e faatura

i te toroa teitei? E; e mea maoro.

Mai teie te huru o te faaiteraa a Alavina:

“Na Punua, tau taeae here e.”

“Te papai atu nei i teie rata ei haamaramaramaraa ia oe i nia i to matou faatereraa i te amaa.”

“I te ayae Mati 1915, ua reva’tu vau i Makatea, e i tera taime ua faaineine te peresideni no te amaa i te reva’tu i te tahi fenua, e ua ui mai ratou e, na vai e faatere te amaa i to’na haere-ê-raa. Ua faaue atu vau ia ratou ia faariro i te hoê peresibutero ei mono no’na. Ei reira ua tupu te hoê feruriraa, no te mea ua mana’o te tahi pae e, ua au ore ta’u parau i te peu i matarohia i mutaa ihora. Ua ui atu vau ia ratou e, na vai i faatia i te reira peu. Ua parau mai te tahi pae, na Tamati. Ua imi maite au i te mau buka na Tamati, e aita i taa taua parau ra. Ua imi atoa vau i roto i te Buka Fafau e te Buka a Moromona e te Bibilia e aita hoi i taa taua irava tei faaite papu ia tatou o vai tei riro i te faatereraa i te amaa i te taime i reva-ê-atu ai te peresideni. No reira, ua tamanu â ta’u faaueraa ia ratou. E ua faatunu vau i to’u mana’o i nia i te B. F. S. 104:7 e te tahi atu â mau parau i roto i te reira buka e te bibilia, E mai te au i te taioraa i taua pene ra, ia mana’o ra vau e, aita e hi’oraa tia i mua i te mata o te amuiraa, ia faatere te toroa iti i te toroa rahi ma te faaue atu, maori ra ua faatiahia taua toroa iti i te na reiraraa e te peresideni amaa.

“Te mau mea i parauhia i te pene 17:10, e ere ia te reira mau parau no te faatereraa i te amaa: e mau parau ra

te reira
faatereraa.
raa.

mono
ua ofa
te ture
pene 1
papail
te Atu
E peu
atoa,
raro a
tavana
ta’na
te faa
te taa
hoi te
te taa
Luka
mai te
ê i to’
haapii
te Fat
vau i
ua au
aniraa
oia e,

te reira no te faatereraa no te mau putuputuraa. E mea ê te faatereraa o te amaa i ta te faatereraa no te mau putupura.

“E no te oreraa o te ture i te reira vahi, ua faatiahia ia mono te peresideni e te Tahu’a no te amaa; e mai te mea ua ofatihia te hoê ture i reira, tera te ture i ofatihia, oia hoi, te ture no te faatura i te mana rahi, mai tei faaitehia i te pene 104:7. Mai te mea e imi tatou i te mau parau mo’a i papaihia mai mai tahito mai, e ite tatou e, ua faatura noa te Atua i te mau toroa rahi i te faatereraa i to’na feia ra. E peu hoi te reira i te mau ekalesia êê, e te mau basileia atoa, oia hoi, ia tae mai te mana rahi, aore te mau mana i raro a’e e faatere i reira. Eaha tera hi’oraa, ia tae mai te tavana Hau, mai te mea e haere te tavana matainaa i nia i ta’na parahiraa e rave i te mau ohipa a te tavana Hau ma te faatia ore hia? Ua na ô maira Paulo e, “Ia auraro maite te taata’toa i te feia mana toroa ra”. Roma 13:1. Eaha hoi te peu e au, tei haapii mai ia tatou nei i te parabole no te taata tei faauehia ia “tuu mai i tena vahi i teie nei taata”, Luka 14:7-9. Aita anei te reira i haapii ia tatou e, ua tae mai te hoê mana rahi, e no reira aita e au ia parahi vetahi ê i to’na parahiraa i reira? E rave rahi te mau parau tei haapihia mai ia tatou e, ia faatura tatou i tei faaturahia e te Fatu. Aita ia. E no reira i tera taime ua faaite atu vau i ta’u raveraa ia Taraita, to matou peresideni paeau e, ua au hoi to’na mana’o, area râ ua papai oia i te hoê rata aniraa ia Fereterika, na to matou peresideni, e ua pahono mai oia e, ia maitihia te hoê e aore ra toopiti tauturu no te pere-

sideni amaa, e no roto mai i te mana rahi ratou. E te mana'o nei matou e, te au nei teie nei faatereraa i ta te Fatu ture.

"Te vai nei te mau faaueraa no ô mai i te vaha o te Atua iho; te vai atoa nei te mau faaneraa no ô mai i te mau apooraa; e te vai atoa nei te mau faaueraa no ô mai i te mau pou faatere, e mai te mea te au nei ta ratou mau faaueraa i te ture a te Fatu, tei au hoi ia haapao te ekalesia i taua mau faaueraa ra. E mai te mea e faatura te ekalesia i te mau taata ta te Fatu i faatura, e faatura mai te Atua i te ekalesia. E te faaite atu nei au ia oe e, te faatura noa nei matou i te toroa rahi i teie nei ekalesia. Ditema, i te matahiti 1914, ua pohe atura to matou peresideni o Iosepha Semita; e i te avae Mati ua maihia to'na faaao matamua, o Fereterika, i te atea ê o te fenua; hoê noa iho faaao, oia hoi, Elabereta i tae i te apooraa i te 6 no Eperera. Ua tae atoa mai te mau aposetolo, te mau Tahu'a rahi, te mau Hitu Ahuru, etc., e to ratou mau peresideni; aore râ te hoê i hinaro i te paiuma i nia i ta Mose parahiraa. Ua vaiihohia te reira ia Elabereta, te mana rahi no taua haaputuputuraa, e na'na i faatere.

"E tau taeae here, te faaoti nei au i teie rata mai te papai i te hoê irava o tei na ô maira e, "E teie nei e tuu atu i te mea e au i te taata'toa ra, e tao'a aufauhia ta'na ra, e aufau-atu â ia; e telo ta'na ra, ei telo ia; o tei mata'uhia ra, e mata'u atu â ia; o tei faateiteihia ra, e faateitei atu ia", Roma 13:7.

"E te vai atura te rahiraa o teie nei parau. Te tiuturi

nei au
toroa r
toroa r
ani-ore

toroa n

mana'c
matou
turaraa

Atua it
faatia n
ra mau

tu!-- I
ite para
teitei ro
Ture, e
TAU e

nei au e, hoê ia to taua mana'o i nia i te faaturaraa i te mau toroa rahi, e ia parahi taua i mua i te aro no to taua mau toroa rahi, aore taua e ru i te faa'i ta'na parahiraa ma te ani-ore-hia, taua ia tuu mai i tena vahi i teie nei taata''.

“Ua afaihia ra taua faaturaraa e matou i roto i te mau toroa no te amaa.

“I papaihia teie nei rata ia ite oe i te huru no to matou mana'o i nia i teie nei mau mea, e e mai te mea ua ofati matou i mutaa ihora i te hoê ture maori ra te ture no te faaturaraa toroa rahi, eaha taua ture i ofatihia ra?

Te vai atura.

To Tatou Tiaraa

Tuatiraa

Te Ekalesia a te Mesia e te Taivaraa Rahi.”

Ua ite papu mau â tatou e o te “*BASILEIA o te Atua ite ao nei o Ta'na ia Ekalesia.*” (Mataio 21:43) e ua faatia mau o Iesu Mesia i Ta'na Ekalesia i te ao nei i To'na ra mau mahana (Mataio 16:18)

E vai mau anei taua Basileia i te ao nei e amuri noa'-tu?--- Daniela 7:25. “*E te arii hoi no te reira o te parau ia ite parau faaino i tei teitei ra, e pau hoi te feia mo'a no tei teitei ra iana, a mana'o hoi e ruri ê i te mau taime e te mau Ture, e tuu hia mai hoi ia ratou i tana rima e HOE a'era TAU e NA TAU hoi, e te HOE TAU VAEHAA.*”

Ua papu ia ia tatou e, eita maua'tura taua Basileia nei e vai e amuri noa'tu i te ao nei, "*e riro râ ia vetahi é*" no te mea "*e pau hoi te feia mo'a o tei teitei ra ia'na*" mai tei faaite hia i ni'a nei, e riro mau atura te faatere raa i te "*TARA iti*" e ua tuu hia'tura te feia mo'a no tei teitei i ta'na rima" aita atura ia a te Feia Mo'a e faatere raa i taua area ra. "*HOE TAU, e NA TAU hoi e te HOE TAU VAE-HAA*" no te mea ua pau te feia mo'a ia'na, e aita hoê a'e toe, (apokalupo 12:17) "*riri roa a'era te teni i taua vahine ra, haere atura e tamai atu ite toea o ta'na ra huaai o tei haapao ite parau a te Atua ra, o tei mau maite i te parau a Iesu Mesia i faaite mai ra*" e ua tama'i mau â taua teni ra i te feia mo'a, oia te toea o te huaai o te vahine e ua "*PAU*" (Daniela 7:25) aita atu ra ia e taata e tia ia faatere i te ohipa a te Atua i te ao nei, maori ra ta te Diabolo ana'e no taua area ra.

Na ô mai ra Isaia 24:5. *Ua viivii te fenua i raro i te taata, ua hapa ratou i te Ture ra, ua ruri é hia e ratou tei haapao hia ra, ua pio ratou i te faufaa haapao tamau hia ra.*"

E tia anei i te maitai ia vai noa i roto i te ino?--- E ti'a anei i te mea Mo'a ia vai i roto i te mea viivii?--- na outou iho e pahono----

"Amosa 8:9" *E ia tae i te reira mahana te na reira mai ra te Fatu ra o Iehova ei te avatea vau e haamairi ai i te mahana i raro, e te maramarama rahi i te ao ra e haapoiri ai au i te fenua.*"

Te ora raa o teie nei ao ua faau hia ia i te mahana hoê. Te haamata raa o teie nei ao i te tau ia Adamu i te

haman
te Mes
o te av

atai ua
ia, ua
te avat
ia i te
mahan
ahi iho
ai te f

no te o
oia hoi
Atua"
te na ô
faatia

T
TE FA

nei i ta
na reira
parauh
matam
no roto

hamaniraa hia o teie nei ao o te poipoi ia, e ia tae i te tau o te Mesia e i muri rii mai o te afa raa ia o te mau tau oia hoi o te avatea ia, e ia ahiahi ra o te hopea ia o teie nei ao.

Ua i te hoi tatou e, ia mairi ana'e te mahana i te iri-atai ua ahiahi ia ua faatata ia te pô, e i muri mai ra ua ru'i ia, ua poiri ia te fenua. Te faaite mai nei "**A**mosa e," "*ei te avatea vau e haamairi ai i te mahana i aro*" e ere ra hoi ia i te huru i matau hia o te ao nei, ei te avatea e mairi ai te mahana e tupu hoi te rui i taua hora, tei matau hia i te ahi-ahi ihoâ e mairi ai te mahana e i te reira ihoâ taima e poiri ai te fenua.

No reira e tia roa ia tatou i parau e, e parau faau teie no te ora raa o teie nei ao. Te "*Mahana*" e parau hia ne oia hoi o te "*maramarama*" o te "*evanelia ia, te parau a te Atua*" mai te au i ta Iesu i parau atu i Ta'na ra mau pîpî i te na ô raa e, "*o outou te maramarama o teie nei ao, e oire i faatia hia i nia i te mou'a eore e mo'e.*"

Te vai atura

Tehina â Tapu

Te Faaipoiporaa o te Te Feia Toro'a

TE FAAIPOIPORAA

Mai te matamua mai â, na haapiihia e, ia faaîhia te ao nei i ta te Atua mau tamarî e tia'i. E aita'tu hoi e ravea ia na reirahia, maori râ, ia ravehia te hoê ohipa taatiraa tei parauhia e, e faaipoiporaa. Ua faauehia to tatou na metua matamua ia rave i teie nei ohipa, e ua tamau-noa-hia te reira no roto mai i te vaha o Iesu a na ô ai oia e, "*E faarue ai te*

tane i ta'na metua tane e ta'na metua vahine, a ati atu ai i ta'na vahine: e riro raua ei hoê: e ere atura raua i te toopiti, hoê râ. (Mareko 10:7-8.) No reira, ua papu ia tatou e, e ere to Adamu faaueraahia no to'na iho anotau ana'e, ua tamau faahou-hia ra te reira faaueraa e te Mesia. Te hoê ia ohipa teie tei faataahia no te mau anotau atoa ra. E ere te faaipoiporaa i te mea viivii (*a hi'o Hebera 13;4*), e e mea haamaitaihia te reira. Noa'tu e, ua ruri-ê nei te tahi pae i te tiaraa mau o te faaipoiporaa e mea maramarama teie mau parau. Te parau nei ratou e, e mea maitai ihoâ te faaipoiporaa no te pae rahi o te amuiraa, no te feia toro'a ra, aita roa ia. E e mea hau roa'tu te faaea-paratenia-raa ta ratou ia parau. Eiaha ra tatou e tuu atu i te mau parau faaino, e hiopoa râ tatou i te tiaraa o te feia toro'a o ta Iesu iho Ekalesia mai te au i tei faaitehia mai no roto mai i te papairaa mo'a. Ei reira tatou e taa'i e, e mea tano anei ia faaipoipohia te feia toro'a no te Ekalesia.

TE FEIA TORO'A I MUTAA IHORA

Petero Ua tahoêhia tatou paatoa i te haapiiraa e, e mana hau a'e to Petero i roto i te Ekalesia i to'na iho tau oia mau, e peresideni oia no te mau aposetolo, e e auvaha hoi no taua pupu ra. Eiaha râ tatou e maere ia parauhia e, ua faaipoipohia Petero. Oia ia, te haapii mai nei te papairaa mo'a i te reira. E haamana'o tatou i te taima i haere ai Iesu i roto i te fare o Petero, "*E tae atura Iesu i roto i te fare o Petero, hi'o atura oia i ta'na metua hoovai vahine te vai noa ra, ua pohe i te ahui*". (*Mataio 8:14*) E homa e, eaha te au-raa o te parau metua hoovai? Teie ia, te metua hoovai ra, o te metua ia o te hoa faaipoipo no te hoê taata, oia hoi, te metua tane o te vahine. Te faaitehia mai nei e, e metua hoovai vahine to Petero; no reira, ua papu roa e, e vahine ta

Petero.

Pau
ra, te "*2*
raua. I

Te

ua titau-
te Epiko
oia ia Ti
taatahap
itoito, e
roto i te
faaipoip

TO PAI

Te

feia toro
nia i te
faaite m
te mau i
atoa nei
eiaha ra
te haape
tei papa
râ teie t
ulo iho
te Atua,

TE TA

E

ite nei
sia i mu
ratou ia
I
raa hap

Petero.

Paulo. E vahine atoa ta Paulo. Te faaite maira te buka ra, te "*Apocrapha*", e vahine ta Paulo, e ua faaipoipohia raua. I muri iho râ, ua taa roa raua.

Te mau episekopo. I te tau o te mau Aposetolo, ua titau-papu-hia ia faaipoipohia te Episekopo (e aore ra, te Epikopo). Te haapapu ra Paulo i te reira a papai atu ai oia ia Timoteo ra; te papai hia nei te reira i te na ô raa e, "*Ei taatahapa ore râ te episekopo e tia'i, ei taata vahine-hoê, e te itoito, e te haapao maitai...*" (*I Timoteo 3:2*) No reira, na roto i te titauroa a Paulo te ite nei tatou i te tiaraa mau o te faaipoiporaa.

TO PAULO MANA'O

Te parau mai nei te tahi pae e, e ere te mea tia ia rave te feia toro'a i te vahine, e faatupu nei ratou i to ratou tiaraa i nia i te parau a Paulo a haapii atu ai oia i to Korinetia. Ua faaite mai oia i reira e, "*Teie ta'u parau i te feia taa noa, e te mau ivi ra; e mea maitai ia ratou ia parahi noa mai ia'u atoa nei*". (*I Korinetia 7:8*) To Paulo ia re'o i te irava vau, eiaha ra tatou e faatia ia hunahia i te irava ono. No te mea te haapapu nei te irava ono i te huru mau no teie parau iti tei papaihia i nia nei. Te na ô maira te irava ono e, "*E a'o râ teie ta'u e parau nei, e ere i te mea faauehia mai*". To Paulo iho ia mana'o teie, e ere i te mea faauehia mai, e ere na te Atua, na'na iho râ.

TE TAIVARAA

E homa e, na roto i teie na parau iti i papaihia nei te ite nei tatou e, ua faaipoipohia te feia toro'a o te Ekalesia i mutaa ihora, e aita atoa Paulo i faaue ia ratou ia ore ratou ia na reira, ua faaite noa râ oia i to'na iho mana'o.

I teie nei mau mahana râ, te ite nei tatou i te haapii-raa hape i nia i te ao nei. E ere roa te mea tia. No reira, te

riro nei teie hapa ei tapao maramarama ia ite tatou e, ua taiva mau ratou i te mau haapiiraa tia o te Ekalesia mau ta Iesu i faatia ra. Ia tatou râ i to te Ekalesia nei, ua faaho'ihia mai ia te Evanelia mau i rotopu ia tatou, e no reira ua taa ihoâ e, e ohipa te faaipoiporaa tei hau roa a'e i te maitai. E ohipa tia ia no te amuiraa e te feia toro'a atoa ra. Ua papu ia Paulo teie haapiiraa i to'na parauraa e, "*Aita râ te tane i taa e i te vahine, aita atoa i taa e i te tane i te Fatu nei.*"

Papaiahia e Tihoti Hilitona Orometua

E Mau Parau Rii Api

To Tatou Aposetolo Api

I teie ava'e Febuare i mairi a'enei ua pohe roa to tatou Aposetolo ra, o Iosepha Merile. E taata paari oia i roto i te mau ohipa o te Ekalesia, e e vau ahuru ma maha matahiti to'na i to'na poheraa'tu. I teie nei râ, ua monohia oia e te Episekopo Faatere ra, o Le Tarana Ritae; e ua faatoro'a hia ei aposetolo api i Roto Miti i te Amuiraa Eperera i mairi a'enei.

Te Mau Manihini Tei Tae Mai

I te matahiti 1951 ua tae mai 1,009, 269 manihini no te mau vahi atoa o te ao nei no te mataitai atu i to tatou Hiero e te Fare Menemene i Roto Miti. Ua parere atu teie roo no te Hiero, e haere noa nei te mau manihini i teie oire rahi pu o te Ekalesia, a Iesu Mesia i te Feia Mo'a i te Mau Mahana Hopea Nei, e te ite nei ratou i te "fare o Iehova i nia i te tupuai mou'a".